



Hier haste een Ding für  
rischdsche Dierhaltung:  
Das „Keuschheitsgürteltier“

## DIE KLEINE WELT DER PERLSACKTIERE

STOSSNO & ANKERMANN GBR

In den Pannenkaulen 17, 47509 Rheurdt  
Fon 02845-9842345

Kassenpatienten: [info@perlsacktiere.de](mailto:info@perlsacktiere.de)  
Privatpatienten: [fragen@perlsacktiere.de](mailto:fragen@perlsacktiere.de)

[www.perlsacktiere.de](http://www.perlsacktiere.de)

Ei gugge ma da!  
Berlsagdierschen gibt's  
och of säggsch

[www.perlsacktiere.de](http://www.perlsacktiere.de)

### 1. GUGGE, WAS DE FOR EEN VIECH AM LIEBSDN HAM WILLSD!

Es is ne eenfach, besonders for das Berlsagviech.  
Dafor mussde dir viel Zeid nähm und en bissl griebeln.  
Den de Wahl is fors ganze Lehm.

### 4. DAS RISCHDSCHE DAHEEME!

Latsch ma wieder in een Zoo und gugge ma, wie sich  
de Dierschen dorchs Lehm wurschdeln. Een Berlsag-  
dier muss ne Sippe ham. Es muss bedudelt werden und  
in een Käfsch dürfense sowieso ni gehalten werdn.  
(Bei Fischn globsch glei gorni!!)

## WIE TUSDE MID SOON BERLSAG- DIERSCHEN AM SCHENSNDEN UMGÄHNI!

### 2. DER ÄRSCHDE GONDAGD MIT DE DIERSCHEN!

Gugge den Dierschen gans tief in de Glubbschoochen  
und tue den Viech a bissl an der Blautze rundatschn.  
Wens mit dir schäkerd, dann mussde och nimähr rum-  
obern. Da hasde een Gumbel gefunden, der mit dir  
dursch Digg und Därre latschd.

### 3. WIE GRIEGSDE DEN BALSCH GROSS?

Wenn de rumdödelst is de ganze Ährziehung umsonsd  
gewesn. Bei den Griefen musde uffpassen, weil se  
sonsd äppkatschisch wärn und dich schnell in de  
Bredullsche bring. Sei ni so labsch beim Fernsehglot-  
zen oder vorm Gombjuder, ansonsd hub'm se dir uffdor  
Rübe rum. De Dierschen gönn'n schnell lahmarschig  
werden. Da mussde se bissl rumschmeissen dun, dor  
sinse och glei wieder a bissl reene. Nuja, „Nudossi“  
dürfn se nur Sonndachs fressn!

### 5. FUDDERN!

Das Dierschen brauch ni viel Fudder am Daach. Freien  
dunse sich, wenn de bar Gummibärschen hast. Nuor  
der Grotteneumel frist keene, der frist dir de Muk-  
schheed von der Gurschl. Wende de Dierschen mit  
Fastfuud-Glannsch oder mit Bichsenblämbe fudderst,  
bise selbst bleede. Bei de Viecher fang de Beene an  
zu schlaggern, se komm von der Hütte nimmer nunder  
und wens gans arch wird, gönnse dir ooch abnippln.

### 6. WENDE NOCH MÄHR EINHAMSEN WILLSD.

Du bisd Äggsbärde mit den Berlsagdierschen und  
hast schon een Haufen davon und willsd noch mähr  
einhamsen und deine Mischpoke labberd dich voll,  
dass du een bissl bleede bist. Äscha, adobdiere  
weidor!! Amende hasde nur eene zu kleene Bude,  
bekommst zu wenig Krötn für dich oder hast nen  
knickrichen Macker daheeme.